

ZAKON O PRIVATIZACIJI PREDUZECA

I - UVODNE ODREDBE

Clan 1.

Ovim zakonom utvrđuju se opća pravila privatizacije preduzeća u cijem se početnom bilansu pokaze:

- da u razlici između ukupne vrijednosti aktive i vrijednosti obaveza u skladu sa zakonom postoji kapital čiji vlasnik nije fizičko ili pravno lice,
- da nema trajnog kapitala.

II - ORGANI ZA PROVODJENJE PRIVATIZACIJE

Clan 2.

Odobranje i provođenje privatizacije, u skladu s ovim zakonom, vrše Agencija Federacije Bosne i Hercegovine za privatizaciju (u daljem tekstu: Agencija Federacije) i agencije kantona-zupanija za privatizaciju (u daljem tekstu: kantonalna-z upanijska agencija), osnovane posebnim zakonom.

Clan 3.

Izuzetno od odredaba člana 2. ovog zakona, odluku o metodama, rokovima i nadležnoj agenciji za privatizaciju preduzeća iz oblasti elektroprivrede, prometa i veza, osim cestovnog prijevoza, vodoprivrede, eksploatacije ruda i suma, javnog informiranja, igara na sreću i industrije naoružanja i vojne opreme, na prijedlog Agencije Federacije, donosi Vlada Federacije Bosne i Hercegovine (u daljem tekstu: Vlada Federacije).

Listu preduzeća iz stava 1. ovog člana utvrđuje Parlament Federacije Bosne i Hercegovine (u daljem tekstu: Parlament Federacije).

Dijelovi preduzeća, odnosno sredstava preduzeća iz stava 1. ovog člana, koji nisu uvjet obavljanja njihove pretezne djelatnosti, privatiziraju se u skladu sa odredbama čl. 26. - 28. ovog zakona, koji uređuju malu privatizaciju, i prije privatizacije samog preduzeća.

III - PRIPREME PREDUZECA ZA PRIVATIZACIJU

Clan 4.

U pripremi za privatizaciju, preduzeća pripremaju program privatizacije i početni bilans za privatizaciju, koju podnose na odobrenje nadležnoj agenciji za privatizaciju. Program privatizacije preduzeća obavezno sadrži:

- osnovne informacije o preduzeću,
- metod, odnosno kombinaciju metoda privatizacije,
- predviđeni način prodaje i način plaćanja,
- obim i strukturu zaposlenosti poslije privatizacije,
- početnu vrijednost preduzeća.

Vlada Federacije, na prijedlog Agencije Federacije, donosi metodologiju za pripremu programa i izradu početnog bilansa preduzeća za privatizaciju.

Clan 5.

Ovlasteno tijelo dužno je izvršiti reviziju privatizacije preduzeća izvršene na temelju Zakona o društvenom kapitalu ("Službeni list SFRJ" br. 84/89 i 46/90), u skladu s posebnim propisom, u roku od tri mjeseca od dana stupanja na snagu tog propisa.

Vlada Federacije donosi uredbu kojom se blize uređuju nadležnosti i postupak revizije prethodno izvršene privatizacije, u roku od 30 dana od dana stupanja na snagu ovog zakona.

Clan 6.

Nalaz revizije u smislu clana 5. ovog zakona čini sastavni dio početnog bilansa preduzeća koje se privatizira.

Nesporni dionicki kapital stečen na osnovu otplacenih internih dionica nominiran je i ne podliježe privatizaciji.

U početnom bilansu dionicki kapital iz prethodnog stava izražava se u DEM po tada važećem srednjem kursu na dan uplate.

Clan 7.

Preduzeće je dužno izraditi program i početni bilans u skladu s članom 4. ovog zakona i dostaviti nadležnoj agenciji, u roku od šest mjeseci od dana donošenja metodologije za pripremu programa i izradu početnog bilansa.

Početni bilans preduzeća za privatizaciju iskazuje se u DEM i predstavlja osnov za utvrđivanje vrijednosti preduzeća koje se privatizira.

Clan 8.

U početnom bilansu preduzeća za privatizaciju neće se iskazivati vrijednost stanova čija se privatizacija vrši po posebnom zakonu.

U početnom bilansu preduzeća za privatizaciju ne iskazuju se prirodna bogatstva i dobra u općoj upotrebi, kao ni objekti od općeg kulturnog i povijesnog značaja, koje preduzeće koristi u obavljanju svoje djelatnosti.

Iz početnog bilansa za privatizaciju, preduzeće je dužno isključiti sredstva čiji se povrat traži za restituciju, o čijem podnošenju i vjerodostojnosti je preduzeće obaviješteno od nadležnog organa, u skladu sa posebnim zakonom.

Sredstvima iz stava 3. ovog člana preduzeće ne može raspolagati u pravnom prometu i dužno ih je koristiti pažnjom dobrog privrednika, do okončanja postupka po zahtjevu za restituciju.

Clan 9.

Nadležna Agencija za privatizaciju dužna je donijeti rješenje o podnesenom programu privatizacije i početnom bilansu preduzeća a za privatizaciju, u roku od tri mjeseca po isteku roka za podnošenje programa privatizacije i početnog bilansa.

Program privatizacije i početni bilans preduzeća Agencija za privatizaciju može odobriti ili vratiti preduzeću radi ispravke ili dopune, ili odbiti.

Ako se nadležna agencija ne izjasni o podnesenom programu privatizacije i početnom bilansu u roku iz stava 1. ovog člana, smatra se da je program privatizacije i početnog bilansa preduzeća a za privatizaciju odobren.

Clan 10.

U slučaju da u propisanom roku nije podnesen program privatizacije, ili je podneseni program za određeno preduzeće odbijen, odluku o načinu privatizacije tog preduzeća donijet će nadležna agencija za privatizaciju u daljnjem roku od tri mjeseca.

IV - METODI PRIVATIZACIJE

Clan 11.

Privatizacija preduzeća u skladu s ovim zakonom vrši se prodajom dionica i imovine. O načinu privatizacije odlučuje i postupak privatizacije preduzeć a provodi kantonalna-zupanijska agencija, odnosno agencija utvrđena odlukom iz člana 3. stava 1. ovog zakona. Prodaju preduzeća nadležna agencija provodi javnom dražbom ili javnim prikupljanjem ponuda.

Ukoliko se prodaja preduzeća ne ostvari na način iz stava 3. ovog člana, prodaja se može izvršiti neposrednom pogodbom.

Clan 12.

U postupku privatizacije po ovom zakonu, preduzeća ili imovinu preduzeća mogu kupovati sva domaća i strana fizička i pravna lica, izuzev domaćih preduzeća koja su i sama predmet privatizacije po ovom zakonu, te stranih fizičkih i pravnih lica u slučajevima kada je zakonom ograničeno ili isključeno njihovo vlasništvo nad domaćim preduzećima.

Clan 13.

Pocetna cijena kod prodaje preduzeća je vrijednost utvrđena u početnom bilansu, u skladu s ovim zakonom.

Clan 14.

Pravila prodaje preduzeća putem javne dražbe, javnog prikupljanja ponuda ili neposredne pogodbe propisuje Agencija Federacije.

Clan 15.

Ugovor sa kupcem o prodaji dionica preduzeća u pismenom obliku zaključuje kantonalna-zupanijska agencija odnosno agencija utvrđena odlukom iz člana 3. stav 1. ovog zakona. Ugovor koji nije zaključen u pismenom obliku ne proizvodi pravni učinak.

Clan 16.

Plaćanje dionica ili imovine preduzeća u postupku privatizacije ne može se finansirati, kreditirati ili jamčiti sredstvima istog preduzeća.

Clan 17.

Za preduzeće koje se ne uspije privatizirati na način i pod uvjetima određenim rješenjem nadležne agencije, agencija će utvrditi povoljnije uvjete prodaje i plaćanja, a u skladu sa kriterijima donesenim od strane Vlade Federacije.

Clan 18.

Ako se ni pod povoljnijim uvjetima u smislu clana 17. ovog zakona preduzece ne privatizira, agencija ce odobriti privatizaciju izdavanjem preduzeća ili imovine u leasing ili zakljucivanjem ugovora o upravljanju.

Clan 19.

U postupku privatizacije preduzeća bilo kojim metodom, u skladu s ovim zakonom nadležna agencija za privatizaciju dužna je osigurati pravicnost, konkurentnost i javnost (transparentnost).

V - SREDSTVA PLACANJA U POSTUPKU PRIVATIZACIJE

Clan 20.

Sredstva placanja u postupku privatizacije su:

- certifikati iz osnova potrazivanja fizickih lica prema Federaciji, utvrdjenih ovim zakonom i posebnim propisima,
- certifikati iz osnova potrazivanja pravnih lica prema Federaciji na ime kompenzacije za imovinu koja je predmet restitucije,
- vrijednosni papiri,
- novac,
- sredstva iskazana u deviznim vojnim knjizicama i certifikatima pripadnika oruzanih snaga BiH.

Identifikacija i realizacija certifikata - potrazivanja fizickih i pravnih lica prema Federaciji iz stava 1. alineje 1. i 2. ovog clana, uređuje se posebnim propisima o mehanizmu poravnanja potrazivanja i obaveza u postupku privatizacije.

Clan 21.

Svako lice koje je bilo drzavljanin R BiH na dan 31. marta 1991. godine, a koje je navrsilo 18 godina i ima prebivaliste na teritoriji Federacije BiH na dan stupanja na snagu ovog zakona, ima pravo na opce potrazivanje, odnosno certifikat iz osnova ucesca u stvaranju i upravljanju imovinom u drustvenom vlasnistvu, u iznosu od 100 poena.

Broj poena za certifikat po osnovu opceg potrazivanja iz stava 1. ovog clana uvecava se za 10 poena za svaku punu godinu staza osiguranja. Vrijednost poena iz st. 1. i 2. ovog clana, izrazenu u DEM, utvrdjuje Vlada Federacije, po utvrdjivanju vrijednosti drustvenog-drzavnog kapitala.

Clan 22.

Opce potrazivanje iz clana 21. ovog zakona koje bi pripalo licu umrlom ili poginulom nakon 31. marta 1992. godine do dana stupanja na snagu ovog zakona zajednicki pripada njegovoj maloljetnoj djeci.

Clan 23.

Certifikati po osnovu devizne stednje pripadaju gradjanima za devizne stedne racune ciji je saldo na dan 31. marta 1992. godine bio veci od 100 DEM.

Clan 24.

Certifikati po osnovu restitucije pripadaju gradjanima kojima je, u postupku provedenom prema posebnom zakonu, utvrđeno pravo na finansijsku kompenzaciju za ranije oduzetu imovinu, a koja im se ne može vratiti u vlasništvo i posjed.

Clan 25.

U postupku privatizacije preduzeca kao sredstva placanja mogu se koristiti i sertifikati po osnovu potrazivanja gradjana utvrđenim posebnim zakonom.

Certifikati po osnovu potrazivanja gradjana prema Federaciji iskazani u DEM vode se na individualnim evidentnim racunima Zavoda za platni promet Federacije Bosne i Hercegovine, mogu se prenositi na fizicka ili pravna lica po osnovu prodaje, poklona ili drugog nacina raspolaganja, u skladu s posebnim propisom kojim se blize uređuje poravnanje potrazivanja i obaveze u postupku privatizacije.

VI - MALA PRIVATIZACIJA

Clan 26.

U postupku male privatizacije utvrđenom ovim zakonom obavezno se privatiziraju:

- a) preduzeca s imovinom cija je vrijednost iskazana u pocetnom bilansu manja od 500.000 DEM i koja imaju manje od 50 zaposlenih;
- b) dijelovi preduzeca ili imovina preduzeca cija je pretezna djelatnost trgovina, ugostiteljstvo, usluge ili cestovni promet;
- c) dijelovi ili imovina ostalih preduzeca koji nisu uvjet obavljanja njihove pretezne djelatnosti ili se ne koriste.

U postupku male privatizacije utvrđenom ovim zakonom, mogu se privatizirati preduzeca cija je pretezna djelatnost trgovina, ugostiteljstvo, usluge ili cestovni promet, o cemu odlucuje nadležna agencija na prijedlog preduzeca.

Clan 27.

Mala privatizacija, u smislu clana 26. ovog zakona provodi se javnom prodajom, koju je preduzece dužno pripremiti i prijaviti nadležnoj agenciji u roku od 60 dana od dana pocetka primjene ovog zakona.

Ukoliko u roku iz stava 1. ovog clana preduzece ne pripremi i ne prijavi javnu prodaju dijelova ili imovine preduzeca iz clana 26. stav 1. tac. b) i c) ovog zakona, nadležna agencija će neposredno izvršiti pripremu javne prodaje. Nadležna agencija za privatizaciju dužna je objaviti prodaju iz clana 26. ovog zakona, u toku od 60 dana po isteku roka za podnošenje prijave iz stava 1. ovog clana.

Prodaju iz clana 26. stav 1. tacka a) provodi agencija za privatizaciju, a prodaju u slucajevima iz clana 26. stav 1. tac. b) i c) provodi poduzece pod nadzorom agencije.

Clan 28.

Prodaja iz clana 26. ovog zakona vrši se uz obavezno placanje u novcu najmanje 35% ugovorene prodajne cijene. Za svaki iznos placen u novcu preko 35% može se odobriti popust od 8%.

Clan 29.

Odredbe cl. 26, 27. i 28. ovog zakona obvezno se primjenjuju i na prodaju poslovnih prostora općine koji se koriste za obavljanje djelatnosti trgovine, ugostiteljstva, turizma i usluga.

VII - EMISIJA NOVIH DIONICA I RASPOLAGANJE NEPRIVATIZIRANIM DIONICAMA

Clan 30.

Preduzece moze izdati nove dionice u cilju privatizacije putem pribavljanja dodatnog kapitala (dokapitalizacije) ili konverzije duga u dionicki kapital.

Dokapitalizacija u smislu stava 1. ovog clana moze se vrsiti ulaganjem u novcu, stvarima i pravima.

Izdavanje novih dionica u smislu stava 1. ovog clana odobrava nadležna agencija za privatizaciju.

Clan 31.

Neprivatiziranim dionicama preduzeca upravlja i raspolaze nadležna agencija koja provodi postupak privatizacije tog preduzeca.

VIII - TROSKOVI I PRIHODI PRIVATIZACIJE

Clan 32.

Troskove pripreme preduzeca za privatizaciju (program privatizacije i pocetnog bilansa, revizija prethodne privatizacije, prospekti, brosure, i sl.) snosi preduzece.

Troskove postupka prodaje snose ucesnici - ponudjaci, uplatom takse koju propisuje Agencija Federacije.

Clan 33.

Novcana sredstva ostvarena prodajom novih dionica radi pribavljanja dodatnog kapitala pripadaju preduzecu. Novcana sredstva ostvarena prodajom preduzeca koriste se za:

- finansiranje troskova nadležne agencije za privatizaciju,
- finansiranje razvoja i zaposljavanja u kantonima-zupanijama i općinama, iskljucujuci tekuće finansiranje federalnih organa i sluzbi.

IX - KAZNENE ODREDBE

Clan 34.

Novcanom kaznom u iznosu od 1.000 do 10.000 KM kaznit ce se za privredni prijestup preduzece ako:

1. ne sacini pocetni bilans za privatizaciju i ne dostavi je agenciji, u roku utvrdjenom clanom 7. ovog zakona;
2. ne pripremi i ne prijavi agenciji javnu prodaju iz cl. 26. i 27. ovog zakona;
3. ne obavi prodaju javnom drazbom iz cl. 26. - 28. ovog zakona,
4. izda nove dionice iz clana 30. ovog zakona bez odobrenja agencije.

Za privredne prijestupe iz stava 1. ovog clana kaznit ce se i odgovorna osoba u preduzecu novcanom kaznom u iznosu od 500 do 2.000 KM.

Do pustanja u opticaj KM, novcane kazne predvidjene u ovom clanu mogu se placati u DEM ili protuvrijednosti valuta koje se koriste u platnom prometu Federacije Bosne i Hercegovine, po srednjem tecaju koji objavljuje nadležna finansijska institucija, na dan placanja.

X - PRIJELAZNE ODREDBE

Clan 35.

Listu preduzeca iz clana 3. ovog zakona Parlament Federacije utvrdit ce u roku od 90 dana od dana stupanja na snagu ovog zakona.

Odluku iz clana 3. stav 1. ovog zakona Vlada Federacije donijet ce u roku od 60 dana od dana utvrdjivanja liste preduzeca iz stava 1. ovog clana.

Clan 36.

Metodologiju iz clana 4. stav 2. ovog zakona Vlada Federacije donijet ce u roku od 30 dana od dana stupanja na snagu ovog zakona.

Clan 37.

Pravila prodaje putem javne dražbe, javnog prikupljanja ponuda i neposredne pogodbe iz clana 14. ovog zakona, kao i pravila izdavanja preduzeca ili imovine u leasing i zakljucivanja ugovora o upravljanju Agencije Federacije donijet ce u roku od 30 dana od dana stupanja na snagu ovog zakona.

Clan 38.

Na osnovu izvjestaja o provedenom postupku privatizacije agencija donosi rjesenje o odobrenju upisa izvorsene privatizacije u sudski registar.

Clan 39.

Tarifu troskova iz clana 32. ovog zakona Agencija Federacije donijet ce u roku od 30 dana od dana stupanja na snagu ovog zakona.

Clan 40.

Ovaj zakon uskladit ce se sa odgovarajucim zakonom koji donese Parlamentarna skupstina Bosne i Hercegovine u roku koji bude utvrdjen tim zakonom.

Clan 41.

Ovaj zakon stupa na snagu osmog dana od dana objavljivanja u "Sluzbenim novinama Federacije BiH", a primjenjivat ce se po isteku 90 dana od dana objavljivanja zakona.

Predsjedavajući
Doma naroda
Mariofil Ljubic, s. r.

Predsjedavajući
Predstavničkog doma
Enver Kreso, s. r.

8/99

ZAKON O IZMJENAMA I DOPUNAMA ZAKONA O PRIVATIZACIJI PREDUZECA

Clan 1.

U Zakonu o privatizaciji preduzeća ("Sluzbene novine Federacije BiH", broj 27/97) u clanu 5. stav 1. rijeci: "tri mjeseca" zamjenjuju se rijecima: "dvanaest mjeseci".

Clan 2.

U clanu 7. stav 1. rijeci: "sest mjeseci od dana donosenja metodologije za pripremu programa i izradu pocetnog bilansa." zamjenjuju se rijecima: "trinaest mjeseci od dana pocetka primjene ovog zakona".

Clan 3.

U clanu 21. stav 1. mijenja se i glasi:
Svako lice koje je bilo drzavljanin bivse Socijalisticke Republike Bosne i Hercegovine i imalo prebivaliste na teritoriji Federacije Bosne i Hercegovine na dan 31.marta 1991. godine, a koje je navrsilo 18 godina na dan stupanja na snagu ovog zakona, ima pravo na opce potrazivanje, odnosno certifikat iz osnova ucesca u stvaranju i upravljanju imovinom u drustvenom vlasnistvu, u iznosu od 100 poena."

Clan 4.

U clanu 27. stav 1. rijeci: "60 dana" zamjenjuju se rijecima: "dvanaest mjeseci."

Clan 5.

Ovaj zakon stupa na snagu narednog dana od dana objavljivanja u "Sluzbenim novinama Federacije BiH".

Predsjedavajući
Doma naroda
Parlamenta Federacije BiH
Mato Zovko, s. r.

Predsjedavajući
Predstavničkog doma
Parlamenta Federacije BiH
Enver Kreso, s. r.

32/00

Z A K O N O DOPUNAMA ZAKONA O PRIVATIZACIJI PREDUZECA

Član 1.

U Zakonu o privatizaciji preduzeća ("Službene novine Federacije BiH", br. 27/97 i 8/99), u članu 33. u stavu 2. iza alineje 2. tačka se zamjenjuje zarezom i dodaje nova alineja 3. i novi stav 3. koji glase: "- sanaciju i osiguranje osnovnog kapitala u fondu penzijskog i invalidskog osiguranja u visini od 20% ostvarenih sredstava u gotovini. Do uspostavljanja jedinstvenog fonda penzijskog i invalidskog osiguranja, novčana sredstva za namjene iz stav 2. alineja 3. ovog člana, uplaćuju se u odgovarajući fond u koji je preduzeće, cijom su prodajom ostvarena novčana sredstva, uplaćivalo doprinose za penzijsko i invalidsko osiguranje".

Član 2.

Ovaj zakon stupa na snagu osmog dana od dana objavljivanja u "Službenim novinama Federacije BiH".

Doma naroda Zastupničkog doma
Parlamenta Federacije BiH
Niko Lozancić, s.r.

Predsjedatelj
Parlamenta Federacije BiH
Enver Kreso, v.r.

45/00

Na osnovu člana IV. B. 7.a) (IV) Ustava Federacije Bosne i Hercegovine, donosim

UKAZ O PROGLAŠENJU ZAKONA O IZMJENAMA I DOPUNAMA ZAKONA O PRIVATIZACIJI PREDUZEĆA

Proglašava se Zakon o izmjenama i dopunama Zakona o privatizaciji preduzeća koji je donio Parlament Federacije Bosne i Hercegovine na sjednici Predstavničkog doma od 3. oktobra 2000. godine i na sjednici Doma naroda od 12. septembra 2000. godine.

Broj: 01-567/2000
19. oktobra 2000. godine
Sarajevo

Predsjednik
Federacije BiH
Prof.dr. Ejup Ganić, s.r.

**ZAKON
O IZMJENAMA I DOPUNAMA ZAKONA O PRIVATIZACIJI
PREDUZEĆA**

Član 1.

U Zakonu o privatizaciji preduzeća ("Službene novine Federacije BiH", br. 27/97, 8/99 i 32/2000) u članu 28. stavu 1. iza riječi: "u novcu dodaju se riječi: "ili certifikatom iz osnova stare devizne štednje".

U stavu 2. iza riječi: "u novcu" dodaju se riječi: "ili certifikatom iz osnova stare devizne štednje.

Član 2.

Ovaj zakon stupa na snagu osmog dana od dana objave u "Službenim novinama Federacije BiH".

Predsjedatelj Doma naroda Parlamenta Federacije BiH Niko Lozancic, v.r

Predsjedatelj Zastupničkog doma Parlamenta Federacije BiH . Enver Kreso, v.r.

61/01

**Z A K O N
O IZMJENAMA I DOPUNAMA ZAKONA O
PRIVATIZACIJI PREDUZEĆA**

Član 1.

U Zakonu o privatizaciji preduzeća ("Službene novine Federacije BiH", broj 27/97, 8/99, 32/00, 45/00 i 54/00) u članu 7. stav 1. riječi: "od trinaest mjeseci od dana početka primjene

ovog zakona" zamjenjuju se riječima: "koji odredi Agencija Federacije, ali ne kasnije od roka važenja potraživanja građana iz Zakona o utvrđivanju i realizaciji potraživanja građana u postupku privatizacije (certifikati itd.)."

Član 2.

U članu 27. stav 1. riječi: "u roku od dvanaest mjeseci od dana početka primjene ovog zakona" zamjenjuje se riječima: "u roku koji odredi Agencija Federacije, ali ne kasnije od roka važenja potraživanja građana iz Zakona o utvrđivanju i realizaciji potraživanja građana u postupku privatizacije (certifikati itd.)."

Član 3.

Član 29. briše se.

Član 4.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
prof. dr. Ivo Komšić, s.r.

Predsjedavajući
Predstavničkog doma
Parlamenta Federacije BiH
Ismet Briga, s.r.

27/02

ZAKON O IZMJENAMA I DOPUNAMA ZAKONA O PRIVATIZACIJI PREDUZEĆA

Zakon o privatizaciji preduzeća ("Službene novine Federacije BiH", br. 27/97, 8/99, 32/00 i 45/00), mijenja se i dopunjuje kako slijedi:

Član 1.

U članu 25. stav 2. riječi: "Zavoda za platni promet Federacije Bosne i Hercegovine", zamjenjuju se riječima: "Agencije za privatizaciju u Federaciji Bosne i Hercegovine".

Član 2.

Ovaj zakon stupa na snagu narednog dana od dana objavljivanja u "Službenim novinama Federacije BiH", a njime se potvrđuje Zakon o izmjenama i dopunama Zakona o privatizaciji preduzeća koji je Odlukom proglasio Visoki predstavnik za BiH ("Službene novine Federacije BiH", broj 54/00) i koji je stupio na snagu 1. januara 2001. godine, a primjenjuje se od dana kada je Zavod za platni promet Federacije Bosne i Hercegovine prestao da obavlja poslove vezane za proces privatizacije.

Predsjedavajući
Doma naroda
Parlamenta Federacije BiH
prof. dr. Ivo Komšić, s.r.

Predsjedavajući
Predstavničkog doma
Parlamenta Federacije BiH
Ismet Briga, s.r.

33/02

Z A K O N

O IZMJENAMA ZAKONA O PRIVATIZACIJI PODUZEĆA

Član 1.

U Zakonu o privatizaciji preduzeća ("Službene novine Federacije BiH", br. 27/97, 8/99, 32/00, 45/00 i 54/00) u članu 33. st. 2. i 3. mijenjaju se i glase:

"Novčana sredstva ostvarena prodajom preduzeća prebacuju se na posebne (ESCROW) račune Budžeta Federacije BiH ili kantona, ovisno od toga radi li se o preduzeću od federalnog ili kantonalnog značaja.

Nadležne vlade utvrdit će namjenu korištenja sredstava iz stava 2. ovog člana, s tim da se 20% ostvarenih sredstava koristi za sanaciju i osiguranje osnovnog kapitala u Fondu penzijskoog i invalidskog osiguranja."

Član 2.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
prof. dr. Ivo Komšić, s.r.

Predsjedavajući
Predstavničkog doma
Parlamenta Federacije BiH
Ismet Briga, s.r.

28/04

Z A K O N

O IZMJENAMA I DOPUNAMA ZAKONA O PRIVATIZACIJI PREDUZEĆA

Član 1.

U Zakonu o privatizaciji preduzeća ("Službene novine Federacije BiH", br. 27/97, 8/99, 32/00, 45/00, 54/00, 27/02, 61/01 i 33/02) u članu 7. iza stava 2. dodaju se st. 3. i 4. koji glase:

"Na Program privatizacije preduzeća i početnih bilansa u preduzećima iz člana 1. ovog Zakona, koja se dijele u skladu sa Zakonom o privrednim društvima ("Službene novine Federacije BiH", br. 23/99, 45/00, 2/02, 6/02 i 29/03) i Zakonom o stečajnom postupku ("Službene novine Federacije BiH", br. 29/03) saglasnost daju nadležne vlade koje upravljaju državnim kapitalom u tom preduzeću i Federalna agencija za privatizaciju. Upis dijelova preduzeća iz stava 3. ovog člana u registar društava vrši se po okončanju privatizacije tih dijelova."

Član 2.

Član 11. mijenja se i glasi:

"Privatizacija preduzeća u skladu sa ovim Zakonom vrši se prodajom kapitala, dionica, imovine i udjela preduzeća u drugom pravnom licu.

O načinu odnosno metodu privatizacije odlučuje vlada nadležna za upravljanje državnim kapitalom u tom preduzeću, a postupak privatizacije u skladu sa ovim Zakonom i odlukom provodi Agencija za privatizaciju kantona, odnosno Federacije BiH u zavisnosti od toga koja vlada ostvaruje pravo upravljanja u tom preduzeću.

Privatizacija preduzeća može se vršiti i privatizacijom dijelova preduzeća nastalih podjelom preduzeća na više dijelova kao samostalnih tehnno-ekonomskih cjelina.

Privatizacija iz stava 3. ovog člana smatra se prodajom u velikoj privatizaciji.

Pravila prodaje kapitala i imovine preduzeća kada se vrši podjela, utvrđuje vlada nadležna za upravljanje državnim kapitalom u tom preduzeću u roku od 60 dana od dana stupanja na snagu ovog Zakona."

Član 3.

Član 12. mijenja se i glasi:

“U postupku privatizacije, prema ovom Zakonu, preduzeća ili imovinu preduzeća mogu kupovati sva domaća i strana fizička i pravna lica.

Izuzetno, u postupku privatizacije, prema ovom Zakonu, ne mogu učestvovati:

- preduzeća koja su i sama predmet privatizacije;
- fizička i pravna lica koja imaju neizmirene obaveze po osnovu javnih prihoda za prethodni izvještajni period;
- preduzeća za koja je samo pravosnažnom sudskom presudom utvrđeno da su poslovala sa preduzećima koja su brisana iz sudskog registra, saglasno članu 52.a tačka 3. Zakona o postupku upisa pravnih lica u sudski registar (“Službene novine Federacije BiH“, br. 4/00,19/00, 49/00, 32/01, 14/02, 13/03, 19/03 i 50/03);
- preduzeća koja su u većinskom vlasništvu preduzeća iz al. 2. i 3. ovog člana;
- fizička lica u čijem većinskom vlasništvu su preduzeća iz al. 2. i 3. ovog člana;
- strana fizička i pravna lica u slučajevima kada je zakonom ograničeno ili isključeno njihovo vlasništvo nad domaćim preduzećima. “

Član 4.

Član 31. mijenja se i glasi:

“Neprivatiziranim dionicama, kapitalom i imovinom preduzeća po izvršenju programa privatizacije i početnog bilansa stanja upravlja i raspolaže vlada nadležna za upravljanje državnim kapitalom u tom preduzeću.

Upise u registrima društava neprivatiziranih dionica u državnom vlasništvu, izvršene u korist bilo kojeg drugog državnog organa ili organizacije, nadležna institucija koja vodi registar društava će po službenoj dužnosti brisati i izvršiti upis prema odredbi stava 1. ovog člana.”

Član 5.

Ovaj Zakon stupa na snagu narednog dana od dana objavljivanja u “Službenim novinama Federacije BiH”.

PREDSJEDAVAJUĆI
DOMA NARODA
PARLAMENTA FEDERACIJE BIH

Slavko Matić

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Muhamed Ibrahimović

44/04

ZAKON

O IZMJENAMA I DOPUNAMA ZAKONA O

PRIVATIZACIJI PREDUZEĆA

Član 1.

U Zakonu o privatizaciji preduzeća («Službene novine Federacije BiH», br. 27/97, 8/99, 32/00, 45/00, 54/00, 61/01, 27/02 i 33/02) u članu 20. u stavu 1. u alineji 1. , iza riječi «propisima» dodaju se riječi: « a najviše do 10% od ugovorene prodajne cijene so 30.juna 2006. godine» .

Alineja 2. i 5. stava 1. i stav 2. se brišu.

Član 2.

U članu 28. u stavu 1. riječi: «ili certifikatom iz osnova stare devizne štednje» brišu se, a broj «35%» zamjenjuje se brojem «90%» .

Stav 2. se briše.

Član 3.

U članu 33. dodaje se novi stav 4. koji glasi:

«Novčana sredstva iz stava 2. ovog člana, a u visini do 15%, mogu se koristiti za socijalno zbrinjavanje zaposlenika koji su ostali bez radnog angažmana» .

Član 4.

Ovaj Zakon stupa na snagu narednog dana od dana objavljivanja u «Službenim novinama Federacije BiH» .

PREDSJEDAVAJUĆI

DOMA NARODA

PARLAMENTA FEDERACIJE BiH

PREDSJEDAVAJUĆI

PREDSTAVNIČKOG DOMA

PARLAMENTA FEDERACIJE BiH

42/06

ZAKON O IZMJENAMA I DOPUNAMA ZAKONA O PRIVATIZACIJI PREDUZEĆA

Član 1.

U Zakonu o privatizaciji preduzeća («Službene novine Federacije BiH», br. 27/97, 8/99, 32/00, 45/00, 54/00, 61/01, 27/02, 33/02, 28/04 i 44/04) u članu 3. stav 1. iza riječi: «igara na sreću» veznik «i» se zamjenjuje zarezom, a iza riječi: «vojne opreme» dodaju se riječi: «veterinarske djelatnosti i komunalnih djelatnosti».

Iza stava 2. dodaju se novi st. 3., 4. i 5. koji glase:

«Preduzeća iz stava 1. ovog člana mogu se privatizirati po posebnim propisima.

Dio državnog kapitala ili ukupan državni kapital u preduzećima iz stava 1. ovog člana može se izuzeti iz privatizacije.

Odluku o izuzimanju iz privatizacije vrijednosti državnog kapitala do 30% donosi Vlada Federacije, a za iznos vrijednosti državnog kapitala preko 30% odlučuje Parlament Federacije na prijedlog Vlade Federacije.»

Dosadašnji stav 3. postaje stav 6.

Član 2.

U članu 4. stav 3. briše se tačka i dodaju riječi: «kao i metodologiju za izradu ovih akata za preduzeća iz člana 7. stav 3. zakona».

Iza stava 3. dodaje se novi stav 4. koji glasi:

«Vlada Federacije u cilju privatizacije i dokapitalizacije svakog pojedinačnog preduzeća, kao i prodaje kapitala, može sporazumno riješiti nastali spor u pogledu procenta vlasničke strukture u kapitalu, uz saglasnost Parlamenta Federacije».

Član 3.

U članu 7. stav 3. mijenja se i glasi:

«Kada je privatizacija uslovljena podjelom preduzeća na više samostalnih tehnoeekonomskih cjelina, program privatizacije preduzeća i početni bilans preduzeća, uz prethodnu pripremu plana podjele preduzeća, priprema se uz učešće nadležnih agencija, nadležnog ministarstva i nadležne vlade koja vrši ovlašćenja i obaveze vlasnika kapitala po osnovu državnog kapitala u tom preduzeću (u daljem tekstu: nadležna vlada) ukoliko posebnim zakonom nije drugačije određeno.

Vlada Federacije će svojim propisom bliže urediti nadležnost i postupak izrade programa privatizacije i početnog bilansa za preduzeća iz stava 3. ovog člana u roku od 30 dana od dana stupanja na snagu ovog zakona».

Dosadašnji stav 4. postaje stav 5.

Član 4.

Član 11. mijenja se i glasi:

«Privatizacija preduzeća u skladu sa ovim zakonom vrši se prodajom kapitala ili imovine, kao i dionica i udjela preduzeća u drugom pravnom licu.

O načinu privatizacije odlučuje i postupak privatizacije preduzeća provodi nadležna agencija.

Prodaju preduzeća nadležna agencija provodi metodom javnog prikupljanja ponuda (tender) ili na drugi način utvrđen ovim zakonom.

Ukoliko se prodaja preduzeća ne ostvari na način predviđen odredbom stava 3. ovog člana, prodaja se može izvršiti metodima neposredne pogodbe kada se za to steknu zakonske mogućnosti, a u izuzetnim slučajevima, javnim nadmetanjem.

U preduzećima sa više od 50% privatnog kapitala, preostali državni kapital, dionice ili udjeli u tim preduzećima mogu se prodavati putem berze.

U preduzećima sa više od 50% državnog kapitala, dio državnog kapitala iznad 51% može se prodavati putem berze.

Odluku o prodaji državnog kapitala, dionica ili udjela iz st. 5. i 6. ovog člana donosi nadležna vlada na prijedlog nadležnog ministarstva, odnosno agencije».

Član 5.

Iza člana 11. dodaje se novi član 11a. koji glasi:

«Član 11a.

Osim metoda privatizacije utvrđenih u članu 11. ovog zakona, nadležna vlada i nadležna agencija mogu promjenu strukture kapitala vršiti na način zaključivanja ugovora o zajedničkom ulaganju, s tim da je izbor partnera potrebno obezbijediti u skladu sa principima javnosti i konkurentnosti.

Pravila za promjenu strukture kapitala po osnovu zajedničkog ulaganja donijet će Vlada Federacije u roku od 30 dana o dana stupanja na snagu ovog zakona.

Privatizacija preduzeća može se vršiti i privatizacijom dijelova preduzeća nastalih podjelom preduzeća na više samostalnih tehnoeekonomskih cjelina.

Način, odnosno metod privatizacije iz stava 3. ovog člana predlaže nadležna agencija i ministarstvo, a odluku donosi nadležna vlada.

Privatizacija dijelova preduzeća vrši se po propisima predviđenim za veliku privatizaciju».

Član 6.

U članu 30. stav 1. na kraju rečenice tačka se zamjenjuje zarezom i dodaju riječi: «i u slučaju potraživanja povjerilaca i radnika».

Član 7.

Postupci koji su pokrenuti do dana stupanja na snagu ovog zakona, kao i postupci po redovnim pravnim sredstvima koji su u toku, dovršit će se po odredbama ovog zakona.

Član 8.

Ovlašćuju se Zakonodavno-pravna komisija Predstavničkog doma Parlamenta Federacije i Zakonodavno-pravna komisija Doma naroda Parlamenta Federacije da utvrde prečišćeni tekst Zakona o privatizaciji preduzeća.

Član 9.

Ovaj zakon stupa na snagu narednog dana od dana objavljivanja u «Službenim novinama Federacije BiH».

PREDSJEDAVAJUĆI
DOMA NARODA
PARLAMENTA FEDERACIJE BiH

Slavko Matić

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Muhamed Ibrahimović

4/09

ZAKON O IZMJENAMA I DOPUNAMA ZAKONA O PRIVATIZACIJI PREDUZEĆA

Član 1.

U Zakonu o privatizaciji preduzeća ("Službene novine Federacije BiH", br. 27/97, 8/99, 32/00, 45/00, 54/00, 27/01, 27/02, 61/01, 33/02, 28/04, 44/04 i 42/06) iza člana 3. dodaje se novi član 3a. koji glasi:

"Član 3a.

Za potrebe državnih organa može se izuzeti stalno sredstvo bez naknade i izvršiti prijenos vlasništva sa preduzeća na nadležnu vladu koja vrši ovlaštenja na osnovu državnog kapitala u tom preduzeću.

Odluku o izuzimanju sredstva donosi Skupština preduzeća na prijedlog nadležne vlade."

Član 2.

U članu 6. u stavu 3. oznaka "DEM" zamjenjuje se oznakom "KM", a preostali dio teksta se briše.

Član 3.

U članu 7. u stavu 2., u članu 25. u stavu 2. i u članu 26. tačka a) oznaka "DEM" zamjenjuje se oznakom "KM".

Član 4.

U članu 7. u stavu 1. iza riječi "Federacije" zarez se zamjenjuje tačkom, a preostali dio teksta se briše.

U stavu 5. na kraju teksta tačka se zamjenjuje zarezom i dodaje tekst: "a na osnovu rješenja nadležne agencije za privatizaciju o odobrenju upisa izvršene privatizacije tih dijelova u sudski registar".

Član 5.

U članu 8. stav 2. mijenja se i glasi:

"U početnom bilansu preduzeća za privatizaciju ne iskazuju se prirodna bogatstva i dobra u općoj upotrebi, objekti od općeg kulturnog i historijskog značaja koje preduzeće koristi u obavljanju svoje djelatnosti."

U članu 8. dodaje se novi stav 4. koji glasi:

"Sredstva iz stava 3. ovog člana mogu se izuzeti i u skladu sa odredbama člana 1. ovog Zakona."

U članu 8. dodaje se novi stav 5. koji glasi:

"Isknjižavanje knjigovodstvene vrijednosti stalnog sredstva iz poslovnih knjiga izvršit će se na teret državnog kapitala."

U članu 8. dodaje se novi stav 6. koji glasi:

"U slučaju potrebe Privredno društvo odnosno Vlada osigurat će sredstva za zaštitu manjinskih prava dioničara u skladu sa Zakonom o privrednim društvima."

U članu 8. stav 4. postaje stav 7., mijenja se i glasi:

"Sredstvima iz stava 2. ovog člana preduzeće ne može raspolagati u pravnom prometu i dužno

ih je koristiti pažnjom dobrog privrednika do konačnog rješavanja statusa tih sredstava u skladu sa posebnim zakonima."

Član 6.

Član 10. mijenja se i glasi:

"U slučaju da u propisanom roku nije podnesen program privatizacije, ili je podneseni program za određeno preduzeće odbijen, odluku o načinu privatizacije tog preduzeća donijet će nadležna vlada na prijedlog nadležne agencije za privatizaciju."

Član 7.

U članu 11. stav 2. mijenja se i glasi:

"O načinu, odnosno metodu privatizacije odlučuje vlada nadležna za upravljanje državnim kapitalom u tom preduzeću, a postupak privatizacije u skladu sa ovim Zakonom i odlukom nadležne vlade provodi Agencija za privatizaciju kantona, odnosno Federacije Bosne i Hercegovine u zavisnosti od toga koja vlada ostvaruje pravo upravljanja u tom preduzeću."

Stav 3. mijenja se i glasi:

"Prodaju preduzeća nadležna agencija provodi putem:

- otvorenog prikupljanja ponuda (tender);
- neposredne pogodbe;
- berze;
- otvorenog nadmetanja i
- otvorene ponude dionica za novac."

Stavovi od 4. do 7. se brišu.

Član 8.

U članu 11a. st. 1. i 2. se brišu.

U dosadašnjem stavu 4. broj "3" zamjenjuje se brojem "1".

Dosadašnji stavovi od 3. do 5. postaju stavovi 1. do 3.

Član 9.

U članu 12. u stavu 2. alineja 1. mijenja se i glasi:

"- preduzeća, u kojima je više od 50% državni kapital".

Alineja 3. se briše.

U alineji 4. i 5. riječi: "i 3." se brišu.

Dosadašnje alineje od 4. do 6. postaju alineje od 3. do 5.

Član 10.

Član 14. mijenja se i glasi:

"Pravila prodaje preduzeća putem otvorenog prikupljanja ponuda (tender), neposredne pogodbe, berze, otvorenog nadmetanja i otvorene ponude dionica propisuje Agencija Federacije."

Član 11.

U članu 15. stav 1. mijenja se i glasi:

"Ugovor sa kupcem o prodaji dionica ili udjela preduzeća u pisanom obliku zaključuje nadležna agencija iz člana 11. stav 2. ovog Zakona."

Član 12.

U članu 16. iza riječi "dionica" dodaje se zarez i riječ "udjela".

Iza stava 1. dodaje se novi stav koji glasi:

"Kupac do potpune realizacije kupoprodajnog ugovora ne može firmu koja je predmet privatizacije zadužiti hipotekarnim kreditom."

Član 13.

U članu 20. u stavu 1. alineja 1. se briše.

Dosadašnje alineje 2. i 3. postaju alineje 1. i 2.

Član 14.

U članu 27. u stavu 1. iza riječi "Federacije" zarez se zamjenjuje tačkom a preostali dio teksta se briše.

Stav 4. mijenja se i glasi:

"Prodaju iz člana 26. stav 1. tačka a) kao prodavac provodi Agencija za privatizaciju, a za prodaju u slučajevima iz člana 26. stav 1. tač. b) i c) prodavac je preduzeće, a prodaju provodi nadležna agencija za privatizaciju."

Član 15.

U članu 28. iza riječi "novcu" stavlja se tačka a preostali dio teksta se briše.

Član 16.

Naziv Poglavlja VII. mijenja se i glasi:

"VII. PROMJENA STRUKTURE KAPITALA PREDUZEĆA, ZAJEDNIČKO ULAGANJE I RASPOLAGANJE NEPRIVATIZIRANIM KAPITALOM I IMOVINOM".

Član 17.

Član 30. mijenja se i glasi:

"Preduzeće može izdati nove dionice ili sticati nove udjele u cilju privatizacije putem pribavljanja dodatnog kapitala (dokapitalizacije) ili konverzije duga u dionički kapital ili udio i u slučaju potraživanja povjerilaca i radnika.

Iz stava 1. ovog člana izuzimaju se javna preduzeća iz oblasti elektroenergetskog sektora, telekom sektora, poštanskog prometa i željezničkog prometa.

Dokapitalizacija u smislu stava 1. ovog člana može se vršiti ulaganjem u novcu, stvarima i pravima.

Odluku o promjeni strukture kapitala donijet će nadležna agencija, uz saglasnost nadležne vlade.

Pravilnik za promjenu strukture kapitala, u skladu sa ovim članom, propisat će Vlada Federacije Bosne i Hercegovine u roku od 60 dana.

U slučaju potrebe privredno društvo ili Vlada osigurat će sredstva za zaštitu manjinskih prava dioničara, u skladu sa Zakonom o privrednim društvima."

Član 18.

Iza člana 30. dodaje se novi član 30a. koji glasi:

"Član 30a.

Nadležna agencija, uz saglasnost nadležne vlade može promjenu strukture aktive preduzeća vršiti zaključivanjem ugovora o zajedničkom ulaganju, s tim da je izbor partnera potrebno osigurati u skladu sa principima javnosti i konkurentnosti.

Pravilnik za promjenu strukture aktive preduzeća na osnovu zajedničkog ulaganja uređuje se posebnim propisom koji donosi Vlada Federacije Bosne i Hercegovine u roku od 60 dana."

Član 19.

U članu 31. u stavu 1. riječ "dionicama" i zarez se brišu.

U stavu 2. iza riječi "dionica" dodaju se riječi: "ili udjela".

Član 20.

U članu 33. st. 1. i 2. mijenjaju se i glase:

"Novčana sredstva ostvarena izdavanjem novih dionica ili sticanjem novih udjela radi pribavljanja dodatnog kapitala (dokapitalizacije) pripadaju preduzeću.

Novčana sredstva ostvarena prodajom preduzeća iz nadležnosti Agencije za privatizaciju i kantonalnih agencija sa izuzetkom dijela sredstava namijenjenih za finansiranje Agencije Federacije i kantonalnih agencija na koja su saglasnost dale nadležne vlade (Vlada Federacije, vlada kantona), prebacuju se na poseban fond Razvojne banke Federacije Bosne i Hercegovine, kojim upravlja Vlada Federacije Bosne i Hercegovine, a za novčana sredstva ostvarena u procesu privatizacije iz nadležnosti kantonalnih agencija sredstvima sa posebnog fonda upravlja vlada kantona u kojem je ostvaren konkretni prihod."

U stavu 3. riječi: "Nadležne vlade" zamjenjuju se riječima: "Razvojna banka Federacije Bosne i Hercegovine".

Član 21.

U članu 34. u stavu 1. tačka 4. se briše.

Stav 3. se briše.

Član 22.

Član 37. se briše.

Član 23.

Postupci koji su pokrenuti do dana stupanja na snagu ovog Zakona, kao i postupci po redovnim pravnim sredstvima koji su u toku, dovršit će se prema odredbama ovog Zakona.

Član 24.

Ovaj Zakon stupa na snagu narednog dana od dana objavljivanja u "Službenim novinama Federacije BiH".

PREDSJEDAVAJUĆI
DOMA NARODA
PARLAMENTA FEDERACIJE BiH

Stjepan Krešić

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Safet Softić